

ligni, qui pestilentes febres adferunt. Alij quoque tumores ex arterijs ruptis fiunt, & maximè ex eis, quæ versus genua sitæ sunt: & eos aneurismata Græci vocant. Hi autem conspicui sunt ac rarefacti, atque tactum pulsare percipiuntur, propterea quòd spirituosò sanguine pleni sunt: dolent etiam, nec tamen calent. Alij etiam tumores ex ruptis venis apparent, qui molles percipiuntur, nec pulsant, neque dolent, atque varices dicuntur, qui sæpius cruribus ac tibijs, quàm alijs membris corporis, & præsertim prægnantium mulierum euenire solent. In ipsis item tibijs duæ tumorum differentiæ interdum oriuntur: quorum quidem œdemata referunt: alij verò carnosifunt. Ambo utique hydropis initium præse ferunt: videlicet œdematosi, leucophlegmatiam, & carnosif anasarcam. Atqui œdematosifunt, digito pressif cedunt, vestigiùmque sui relinquunt: Neque solùm hydropis initium, sed etiam phthisin & cachexiam indicant. Eueniunt quoque eis mulieribus, quarum menses intempestiuè supprimuntur. Carnosif verò duri sunt, nec digito pressif cedunt, quorum color à naturali parum distat. Neque enim perinde albus est, atque œdematosorùm. Carnosif item partibus, vt musculis tumores contingunt, qui aut calidi, aut frigidi sunt. Calidorum autem tumorum quispiam ex san-

*aneurisma**Varice*